4-1804-2402/37-сонли иш

АЖРИМ

(даъво аризани кўрмасдан қолдириш ҳақида)

Муборак тумани

2024 йил 25 январь

Косон туманлараро иқтисодий судининг судьяси А.Усманов раислигида, судья ёрдамчиси Р.Зиядуллаевнинг котиблигида, Муборак туман фермер, деҳқон ҳўжаликлари ва томорқа ер эгалари Кенгашининг даъвогар "Ислом Бобо" фермер ҳўжалиги манфаатида жавобгар "Emg Inter Investment" ХК ҳисобидан 576.123.000 сўм ҳақдорлик, 57.600.000 сўм жарима, 207.404.280 сўм, ноқонуний ушлаб қолинган ғалла ташиш учун 6.985.000 сўм жами 848.112.280 сўм ундириш ҳақидаги аризаси бўйича ишни Кенгаш вакили Р.Ҳаққиева (ишончнома асосида), жавобгар вакиллари иштирокисиз, Жиноят ишлари бўйича Муборак туман суди биносида бўлиб ўтган очиқ суд мажлисида иш ҳужжатлари билан биргаликда кўриб чиқиб, қуйидагилар

аниқланди:

Муборак туман фермер, деҳқон хўжаликлари ва томорқа ер эгалари Кенгаши даъвогар "Ислом Бобо" фермер хўжалиги манфаатида судга даъво ариза билан мурожаат қилиб, жавобгар "Emg Inter Investment" ХК ҳисобидан 576.123.000 сўм ҳақдорлик, 57.600.000 сўм жарима, 207.404.280 сўм, ноқонуний ушлаб қолинган ғалла ташиш учун 6.985.000 сўм жами 848.112.280 сўм ундиришни сўраган.

Суд мажлисида иштирок этган палата вакили даъво талабини қаноатлантиришни сўради.

Жавобгарга ишни кўриш вақти ва жойи тўғрисида тегишли равишда хабардор қилинган бўлса-да, суд мажлисига келмади.

Мазкур ҳолатда суд ИПКнинг 128, 170-моддаларига асосан ушбу иқтисодий иш бўйича жавобгар белгиланган тартибда ҳабардор ҳилинган деб ҳисоблаб, ишни унинг иштирокисиз кўриб чиҳишни лозим топди.

Мазкур иқтисодий иш бўйича тарафлар суд мажлиси тайиланган кун ва вақти ҳақида ҳабардор қилинган.

Суд ишдаги мавжуд ҳужжатларни ўрганиб чиқиб, далилларга ҳуқуқий баҳо бериб, қуйидаги асосларга кўра даъво аризасини кўрмасдан қолдиришни лозим топади.

Аниқланишича, мазкур суднинг 2024 йил 12 январрдаги ажримига асосан аризачи "Black Gold Rays Petrolium" масъулияти чекланган жамиятининг аризаси иш юритишга қабул қилинган ва қарздор "Emg Inter Investment" X/Кга нисбатан туловга қобилиятсизлик иши қўзғатилган.

ИПКнинг 107-моддаси 9-бандига мувофиқ жавобгарга нисбатан банкротлик тўғрисида иш қўзғатилган бўлса ва жавобгарга нисбатан тақдим этилган талаб қонунга кўра банкротлик тўғрисидаги иш доирасида кўрилиши лозим бўлса, суд даъво аризасини кўрмасдан қолдиради.

Мазкур ҳолатда даъвогар томонидан жавобгарга тақдим этилган талаб банкротлик иши доирасида кўриб чиқилиши лозимлиги сабабли даъво аризаси кўрмасдан қолдирилиши лозим бўлади.

Ўзбекистон Республикаси Олий судининг 2019 йил 24 майдаги 13-сонли "Биринчи инстанция суди томонидан иқтисодий процессуал қонун нормаларини қўллашнинг айрим масалалари тўғрисида"ги Қарорининг 21-бандида даъво аризасини кўрмасдан қолдириш низонинг мазмуни бўйича ҳал қилув қарори қабул қилмасдан туриб суд муҳокамасини тамомлаш шаклларидан бири ҳисобланади. Даъво аризасини кўрмасдан қолдириш тўғрисида суд ажрим чиқаради ва у ИПКнинг 108-моддаси талабларига мувофиқ бўлиши кераклиги ҳақида тушунтириш берилган.

Ўзбекистон Республикаси Президентининг "Фермер, хўжаликлари ва томорка ер эгалари фаолиятини янада ривожлантириш бўйича ташкилий чора-тадбирлар тўғрисида" 2017 йил 10 октябрдаги ПҚфермер, дехкон 3318-сонли қарорининг 3-бандини 6-хат бошида, хўжаликлари ва томорқа ер эгалари манфаатларини кўзлаб судга давлат божи тўламасдан даъво аризалари, давлат ва хўжалик бошқаруви органлари, махаллий давлат хокимияти органларининг қарорлари, уларнинг мансабдор шахслари хатти-ҳаракатлари (ҳаракатсизлиги) устидан шикоятлар тақдим этиш. Бунда даъво аризасини қаноатлантириш рад этилганда манфаати кўзлаб даъво аризаси киритилган фермер, дехкон хўжаликлари, томорқа ер эгаларидан давлат божи ундирилмаслиги белгиланган.

Мазкур қонун ҳужжатларига асосан суд ушбу иқтисодий иш бўйича даъвогар ва кенгаш белгиланган тартибда хабардор қилинган бўлсада, биринчи суд мажлисига келмаганлиги ёки ишни ўзининг иштирокисиз кўриш тўғрисида арз қилмаганлиги сабабли даъво аризасини кўрмасдан қолдиришни, олдиндан тўланган почта харажатини даъвогар зиммасида қолдиришни, даъво аризаси кўрмасдан қолдирилганда даъвогар давлат божи тўлашдан озод этилганлигини инобатга олиб, давлат божи ундирмасликни лозим топди.

Юқоридагиларга кўра, Ўзбекистон Республикаси Иқтисодий процессуал кодексининг 107-моддаси 6-банди ва 108, 195-197, 199-моддаларини қўллаб, суд

ажрим қилди:

Муборак туман фермер, деҳқон хўжаликлари ва томорқа ер эгалари Кенгашининг даъвогар "Ислом Бобо" фермер хўжалиги манфаатида даъво аризаси кўрмасдан қолдирилсин.

Аризачи томонидан олдиндан тўлаб чиқилган 34.000 сўм почта харжатини ўз зиммасида қ

Мазкур ажримдан но туманлараро иқтисодий суд тартибида шикоят қилиши

ір ойлик муддат ичида Косон адарё вилоят судига апелляция

Судья